

WĀHANGA 3 HE MAHI

TAKITAHÍ

Ko te whāinga o tēnei mahi he rangahau i tētahi āhuatanga e whaitikanga ana a te 28th (Māori) Battalion ki a koe. Whakamaheretia tēnei kaupapa, ka whakaaturia ki tō kaiako me ō mātua hoki kia whakaaetia. Hei tīmatanga, kōwhiria tētahi o ngā kaupapa i raro nei hei whakaatu i tō mahi. Whakaaturia ō kitenga.

Kōwhiria tētahi o ēnei

- 1** He pēhea i whakahōia ngā hōia kia uru atu ki ope taua, i whakangungua hoki mō te pakanga?
- 2** He aha ngā awenga tōrangapū o ngā ngahuru tau mai i 1930, mai i 1940 hoki, ā, i pēhea te pānga mai o ēnei ki ngā tūao Māori kia haere rātou ki te pakanga?
- 3** He aha ngā hua mai i te Pakanga o Crete me te kōkiritanga anō o 42nd Street?
- 4** I pēhea rā i whaikoha ai ngā parapara me ngā pūkenga o te Māori ki te Pakanga Tuarua o Te Ao me te angitu o te 28th (Māori) Battalion?
- 5** I pēhea rā te āhua o tētahi rā, arā, e 24 hāora mō ngā hōia o te 28th (Māori) Battalion? He aha ā rātou mahi mai i te ohonga i te ata, ā, ki te tōnga o te rā?
- 6** He aha ngā mahi a ngā tāne me ngā wāhine i te wā o te WWII i roto i te ope taua, i te wā kāinga anō hoki?
- 7** Rangahautia tētahi o ngā whawhai, ka whakamārama he aha i whai take ai.
- 8** He aha i hiki ai te kare ā-roto o te kamupene nā ngā waiata me ngā haka?
- 9** Ngā kī taurangi kāore i whakaritea i te hokinga mai – he aha ēnei, ā, he aha hoki te pānga mai o ēnei ki ngā hōia me ō rātou whānau?



NGĀ RAUEMI

Ētahi rauemi hei āwhina i a koe i runga i te mahi pakirehua.

28th (Māori) Battalion <https://28maoribattalion.org.nz>

Kia Mau
<http://kiamau.tki.org.nz> (te reo Māori)
<http://eng.kiamau.tki.org.nz> (English)

Ngarimu: Te Tohu Toa
<http://kohingarauemi.tki.org.nz/Ngarimu-Te-Tohu-Toa>

NZ History
www.nzhistory.govt.nz/war/maori-in-second-world-war
www.nzhistory.govt.nz/war/maori-war-effort-organisation
www.nzhistory.govt.nz/war/victoria-cross

DigitalNZ: ā-tihī o aotearoa <https://digitalnz.org>

Te Ope Taua: Te Tautoko 68 2010
<http://kohingarauemi.tki.org.nz/Catalogue-Items/Te-Tautoko-68>

Kauwhata Reo
<https://kauwhatareо.govt.nz/mi> (te reo Māori)
<https://kauwhatareо.govt.nz/en> (English)



King and Country School Journal Level 4 June 2014

<http://literacyonline.tki.org.nz/content/download/28170/296602/file/King+and+Country-SJ+L4+June+2014.pdf>

Ko Tāku, ko tā te Māori Te Wharekura 14
http://www.tki.org.nz/r/maori/wharekura/whare14_st3_e.html

The Desert Kaupoi School Journal Story Library Level 4 2013
<http://instructionalseries.tki.org.nz/Instructional-Series/School-Journal-Story-Library/The-Desert-Kaupoi>

Te Hokowhitu-a-Tū: The Māori Pioneer Battalion
School Journal Level 3 June 2014
<http://instructionalseries.tki.org.nz/Instructional-Series/School-Journal/School-Journal-Level-3-June-2014/Te-Hokowhitu-a-Tu-The-Maori-Pioneer-Battalion>

Te Ope Taua Māori i te Pakanga Tuarua o te Ao
Te Wharekura 89 2010
<http://kohingarauemi.tki.org.nz/Catalogue-Items/Te-Wharekura-89>

I tauiriatia mai ai tēnei rauemi ako, i te rauemi ako Riwai-Couch, M. (2008) Kahukura: A Ngāi Tahu Cultural programme for tamariki, whānau and schools. Whero Services Ltd.

Te Kāwanatanga o Aotearoa

NGARIMU VC and 28TH (MĀORI) BATTALION



He mea hanga tēnei rauemi mā ngā tamariki, ngā whānau me ngā kura e te Ngarimu VC and 28th (Māori) Battalion Memorial Scholarship Fund Board.

Mihi¹

Haere mai e ngā iwi ki te hui aroha e
O Te Moananui a Kiwa e
Ringihia ngā roimata ki runga i te marae
O Te Moananui a Kiwa e
Miharo ko te ngākau ki te honore nui
Tēnei rā ngā mihi e tama...



Nau mai ki tēnei rauemi ako a te Ngarimu VC and 28th (Māori) Battalion Memorial Scholarship Fund Board. Nā te Ngarimu VC and 28th (Māori) Battalion Memorial Scholarship Fund Board anō tēnei rauemi i waihanga mā ngā tamariki, ngā whānau me ngā kura Māori, kura auraki hoki.

Mā tēnei rauemi ako e māmā ai te ako a te tamariki me te whānau me te whai wāhi ki tētahi akoranga rangatira. Hei akiaki tēnei rauemi i ngā ākonga katoa kia mōhio, kia mārama hoki ki ngā mahi a ngā hōia o te 28th (Māori) Battalion, a ō rātou whānau, a te iwi whānui hoki i te wā o te Pakanga Tuarua o te Ao. Ko tā te rauemi nei he whakanui, he whakatairanga hoki i te mana o te whānau me te iwi ki te tuari i ā rātou kōrero mō te 28th (Māori) Battalion.

Mā te torotoro i ngā kōrero me te hītori o te 28th (Māori) Battalion, e whai huarahi ai ngā ākonga kia mōhio, kia mātau, ā, kia noho mārama tonu ki te koha nui a ngā hōia o te 28th (Māori) Battalion me te iwi whānui ki ngā whānau, ngā hapū, ngā iwi ake, ki te āhua hoki o tēnei whenua o tātou, ki Aotearoa New Zealand.

Mā te mōhio ki te māia me te koha nui a te 28th (Māori) Battalion ki te whāinga wāhi o tēnei whenua ki te Pakanga Tuarua o te Ao, ka whiwhi akoranga nui te ākonga hei whakahāngai i tōna ake ao hou nei, kia mārama anō ki ngā wā o mua, o nāianei hoki.

NGĀ ARATOHU

E toru ngā tūmahī i tēnei rauemi, ā, me whakaoti i a koe i ia tūmahi:

Wāhanga Tahi: He pakirehua i te 28th (Māori) Battalion me Te Moana-nui-a-Kiwa Ngarimu VC.

Wāhanga Rua: He pakirehua i ngā āhuatanga rerekē o te 28th (Māori) Battalion.

Wāhanga Toru: He pakirehua takitahi i tētahi kaupapa i kōwhiria. Mā tō whānau me tō kaiako koe e āwhina ki te whakaatu he aha te kaupapa hei pakirehua māu, me pēhea hoki te mahi.

Kei a koe te tikanga me pēhea te whakaatu i tō kaupapa, arā, hei tuhinga, hei mahi toi ataata, hei haka, hei waiata, hei whakaaturanga matihiko rānei.

Kia oti ia wāhanga mahi mā tētahi o tō whānau, mā tō kaiako hoki e waitohu te puka arowhai, ā, kia oti i a koe iā ngā wāhanga e toru, ka tuku tiwhikete ki a koe anō.

Anei tētahi rārangī rauemi me ngā hononga ipurangi hei āwhina i a koe i runga i tō mahi pakirehua.



WĀHANGA 1 KO WAI RĀ TE 28TH MĀORI BATTALION ME TE MOANA-NUI-A-KIWA NGARIMU VC?

E rua ngā kaupapa pakirehua o tēnei tūmahi hei mahi māu. Ko te kaupapa tuatahi ko te 28th (Māori) Battalion, ā, ko te kaupapa tuarua ko Te Moana-nui-a-Kiwa Ngarimu VC. Māu e torotoro ngā kōrero mō ngā kaupapa e rua ka whakaatu ai i ū kitenga.

KAUPAPA TUATAHI: KO TE 28TH (MĀORI) BATTALION

Pātai ārahi - Kōwhiria tētahi o ngā pātai

- 1** He aha tēnei mea te whawhai hoariri, ā, he aha te take i uru ai ngā Māori ki ngā pakanga?
- 2** He aha i whakatūria ai te 28th (Māori) Battalion, i pēhea tōna whakahaeretanga?
- 3** Ko wai mā ngā hōia, i ahu mai rātou i hea?
- 4** He aha ētahi rā nui whakahirahira e pā ana ki te 28th (Māori) Battalion?
- 5** I hea ngā wāhi i whakaakona ai, i whawhai hoki te 28th (Māori) Battalion?



KAUPAPA TUARUA: TE MOANA-NUI-A-KIWA NGARIMU VC

Pātai ārahi - Kōwhiria tētahi o ngā pātai

- 1** Ko wai a Te Moana-nui-a-Kiwa Ngarimu?
- 2** I roto a ia i tēhea kamupene o te Māori Battalion?
- 3** I hea ngā wāhi i whakaakona ia ki te whawhai?
- 4** Nā te aha i whiwhi a ia i te Victoria Cross i muri i tōna matenga?



Waitohu o te whānau	Waitohu o te kura
<i>Me waitohungia te whānau me te kura i te whakaotinga a te mahi rangahau</i>	



Te Rau Aroha

Image credit: Maori Battalion performing a haka, Egypt. New Zealand. Department of Internal Affairs. War History Branch: Photographs relating to World War 1914-1918, World War 1939-1945, occupation of Japan, Korean War, and Malayan Emergency. Ref: DA-01229-F. Alexander Turnbull Library, Wellington, New Zealand. /records/23061877

WĀHANGA 2 TE ORANGA O NGĀ HŌIA O TE 28TH (MĀORI) BATTALION

E whā ngā wāhanga o tēnei mahi. Ka aro ia wāhanga ki tētahi āhuatanga ake o ngā hōia o te 28th (Māori) Battalion i a rātou e tipu ake ana. Kōwhiria tētahi o ngā pātai mai i ngā kaupapa e whā hei rangahau māu, hei whakaatu hoki i tāu i kimi ai.

Waitohu o te whānau	Waitohu o te kura



A. TĀ TE HŌIA ORANGA I TE KĀINGA

- 1** He aha ngā hua me ngā mōhiotanga o te Pakanga Tuatahi o te Ao, o ngā hōia o te Māori Contingent ki te ao Māori?
- 2** He pēhea te āhua o te oranga o Ngāi Māori mai i te tau 1930 ki te tau 1940 i Aotearoa? He aha te tikanga o te kōrero a Tā Apirana Ngata, "the price of citizenship"??
- 3** He aha te mea nui i tukituki i ngā whānau, i ngā kāinga me ngā hapori Māori i te wehenga o ngā tāne ki te pakanga, me te hokinga mai, mō rātou kāore i hoki mai rānei?
- 4** He aha ētahi o ngā āhuatanga o te Pakanga Tuarua o te Ao i pā ki ngā wāhine Māori me ngā tamariki i te kāinga?
- 5** He pēhea te āhua o te oranga o te hōia o te 28th (Māori) Battalion i te hokinga mai ki te kāinga?



E. NGĀ MAHI A NGĀ HŌIA ME NGĀ TAUMAHATANGA

- 1** He aha ētahi o ngā take i whakauru atu ai ngā tāne ki te 28th (Māori) Battalion?
- 2** He pēhea i kimihia ai, i whakaakona ai, kia rite ngā hōia o te 28th (Māori) Battalion mō te pakanga?
- 3** Mō te hōia o te 28th (Māori) Battalion, he aha ngā mahi o ia rā?
- 4** Kōwhiria tētahi o ngā whawhai i uru ai te 28th (Māori) Battalion, hei kōrero māu.
- 5** Kimihia ngā kōrero mō tētahi hōia o te 28th (Māori) Battalion i whiwhi i tētahi tohu, metara rānei. Whakaaturia he kōrero mōna.



I. NGĀ WHAKAPAPA ME TE WHANAUNGATANGA

- 1** He mea tino whaitake te whakapapa me te whanaungatanga mō ngā hōia o te 28th (Māori) Battalion?
- 2** Kimihia ngā kōrero mō tētahi hōia o te 28th (Māori) Battalion o roto i tō whānau, tō rohe, kura rānei. Whakaaturia ngā kōrero mōna.
- 3** He aha i whai take ai ngā waiata, ngā haka, me ngā karakia ki ngā hōia o te 28th (Māori) Battalion?
- 4** He pēhea ngā whakaaro o ngā iwi o whenua kē mō ngā hōia o te 28th (Māori) Battalion?
- 5** He aha ngā hua o te whanaungatanga ki ngā hōia o te 28th (Māori) Battalion?



O. TE AO HURIHURI

- 1** Kōwhiria tētahi whakataukī, ā, ka whakaaturia he pēhea i pā atu ki ngā hōia o te 28th (Māori) Battalion, ki a koe hoki.
- 2** He aha ngā akoranga mai i te 28th (Māori) Battalion mō tātou?
- 3** He pēhea nei ōu whakaaro mō ngā mahi i whakatutukuhia e te 28th (Māori) Battalion?
- 4** Waihangatia tētahi āhuatanga hei mihi atu ki te 28th (Māori) Battalion ki tētahi hōia rānei.